

SPCOA ta keda insisti cu no tabata tin peliger di asbest pa alumnonan di Mon Plaisir

ORANJESTAD – Stichting Protestant Christelijk Onderwijs Aruba (SPCOA), ta insisti cu no tin, ni tabata tin peliger di asbest na Mon Plaisir Basis y Kleuterschool pa bienestar di e muchanan, docente, mayornan y e publico en general. Nan tin e pleno confiansa aki, mirando cu nada a sali for di e investigacion di un experto riba tereno di medio ambiente di TNO Hulanda, cu na e momentonan aki ta preparando un rapport riba opdracht di e Minister di Husticia y Enseñanza, cu no tabata tin peliger di contaminacion.

MANEHO IRRESPONSABEL

Durante e ultimo lunanan e problematica di asbest rond di e scol tabata den publicidad. Pa e motibo aki, un grupo di mayornan preocupado a sugeri cu e directiva di SPCOA y Gobierno, kendenan ta doño di e edificacionan, lo a maneha esaki irresponsablemente y cu pa e motibo ey e seguridad y salud di e alumnonan, docente, mayornan y e publico lo a wordo treci na peliger. Un grupo di mayor lo a existi pa retiro di e directiva di SPCOA y a anuncia cu nan lo tuma medida si en caso cu e directiva nenga di haci esaki.

MEDIDANAN NECESARIO

SPCOA ta lamenta e publicidad negativo y circunstancianan aki y ta desea

di enfatisa cu SPCOA ta tratando e asunto aki cu e atencion mas debido y ta den deliberacion y cooperacion estrecho cu gobierno, kendenan a haci loke tabata necesario pa proteha e seguridad y salud di e alumno, docente, mayornan y e publico, insistiendo cu no tabata tin peliger di asbest.

INFORMACIONAN DEBIDO

SPCOA y su directiva ta muestra riba e denuncianan di e grupo di mayornan concerni tambe cu man duro. Tanto SPCOA como Gobierno a maneha esaki cu e cuidado existi y no ta asina cu e seguridad y salud di e scol lo a wordo treci na peliger. SPCOA a informa e mayor y docentenan debidamente riba e desaroyo di e dossier aki.


NO TA FORMA PELIGER

Durante e ultimo lunanan varios experto, entre nan di e compania DOUSHAR, e compania EMSL y Dienst Technische Inspectie di gobierno, a conduci nan investigacion riba e posibel indicacion di asbest den aire y otro camindanan riba e tereno di Mon Plaisir School, cu ta forma un peliger pa salud. E expertonan, a base di nan investigacion, a conclui cu no tin presencia di asbest, cu por forma un peliger pa esnan concerni.

RAPPORTNAN HACI PUBLICO

Den cuadro di transparencia, SPCOA a dicidi pa expone e rapportnan aki den publico, haciendo un copia pa e mayornan di muchanan cu ta inscribi na Mon Plaisir Basis y Kleuterschool y tambe a facilita

esaki na prensa. Ta trata aki di rapportnan nombra den un carta di SPCOA data dia 21 di october 2012 pa e Presidente di Parlamento di Aruba, caminda ta indica cu no tabata tin peliger alguno. □



Rapport di inspeccion di DIT, ta muestra cu, hunto cu DOW, e structura di e edificacionan riba e tereno di scol, no ta forma ningun peliger pa e seguridad di e persona di scol como pa e alumnonan

EMSL Analytical, Inc.

200 Route 100 North, Orono, ME 04471

Phone/Fax: (207) 251-1071 / (207) 251-1072

E-mail: info@emsl.com

http://www.emsl.com

EMSL Order: 04120720

Customer: TNO/MS

Customer/PO: CC-08888

Project: CC-08888

Attn: Ivonne Roylee Koolman
Pure Total I.A.Q. Solutions
Berckdars 5-F
Oranjestad,

Phone: (291) 267-0660
Fax: (291) 267-0661
Received: 10/18/12 10:30 AM
Analysis Date: 10/18/12
Collected: 10/17/2012

Project: Mon Plaisir School

Test Report: Asbestos Analysis via Transmission Electron Microscopy ASTM Method D6755-03

SAMPLE ID	AREA SAMPLED (sq ft)	ASBESTOS TYPE	ASBESTOS STRUCTURES	Sensitivity (ppm/wt)	CONCENTRATION (ppm/wt)	COMMENTS
W1	100	None Detected	(+)	20400	<0.050	
W2	100	None Detected	(+)	20400	<0.050	

Due to excessive particulate the analytical sensitivity of 1000 ppm/wt as required by the method was not reached

Rapport di EMSL Analytical Inc., cu tambe ta indica cu tur cos ta safe

Scol Preparatorio Arco Iris cu clausura di Festival anual di buki

ORANJESTAD - Departamento di Cultura Aruba ta invita pueblo di Aruba en general pa bin presencia diabierna awo riba dia 9 di november 2012 na Arco Iris Kleuterschool, situa den Avicennastraat # 7, for di 5:30 pm te cu 8:00 pm pa presencia nan "Encuentro Multicultural" na unda tur e 8 kleuterklas lo forma parti di e show di clausura cu un cantidad di 128 mucha cu lo representa diferente pais, entre otro China, Italia, Portugal, India, Brazil, Africa, Merca (USA) y Aruba.

CLAUSURA
Siman di Buki 2012 di Biblioteca Nacional Aruba na Playa lo tin diferente actividad programa durante siman, como tambe pa e Clausura di e festival aki cu ta den man di Scol preparatorio Arco Iris pa celebra e logronan di e di 20 edicion di e festival anual di buki.

SHOW Y CHARLA
Ademas di e show aki, lo tin un exposicion di diferente charla cu e muchanan a prepara di diferente pais, cuminda tipico di diferente pais, entre otro di Merca, Mexico, India, Hulanda, China, Portugal y naturalmente Aruba. Tambe lo tin tur e autornan presente y un presentacion sorpresa dirigi door di e maestro Jhon Freddy Montoya cu diferente hoben participante di Competencia Hubenil Gang di Arte y otro grupo di teatro y baile local.

Henter pueblo di Aruba ta keda cordialmente invita pa bin presencia e bunita clausura aki, cual lo ta uno hopi educativo y grandi manera semper. □